

Na osnovu člana 25. Statuta Općine Stari Grad Sarajevo – Prečišćeni tekst (“Službene novine Kantona Sarajevo”, broj, 20/13), Općinsko vijeće Stari Grad Sarajevo, na 14. sjednici održanoj 03. februara 2014. godine donijelo je

PRAVILNIK

O UTVRĐIVANJU KRITERIJA ZA FORMIRANJE LISTE KORISNIKA SREDSTAVA ZA POBOLJŠANJE STAMBENIH POTREBA ODREĐENIH KATEGORIJA STANOVNIŠTVA

I – OPĆE ODREDBE

Član 1.

Ovim Pravilnikom utvrđuju se uslovi, način i procedure jednokratne – bespovratne dodjele sredstava u cilju poboljšanja stambenih potreba porodica bez ikakvih primanja, porodica korisnika socijalne pomoći, ostalih socijalno ugroženih kategorija i drugih lica koja imaju evidentirano prebivalište na području Općine Stari Grad Sarajevo.

Član 2.

Pravo na jednokratnu bespovratnu dodjelu sredstava za poboljšanje stambenih potreba (u daljem tekstu: dodjela sredstava) imaju socijalno ugrožene kategorije stanovništva.

Član 3.

Dodjela sredstava iz člana 2. ovog Pravilnika može se realizovati:

- dodjelom građevinskog materijala;
- izvođenjem građevinskih radova i pružanjem građevinskih usluga.

Član 4.

Dodjela sredstava vrši se na osnovu raspisanog Javnog poziva za tekuću budžetsku godinu, o čemu će Općinski načelnik utvrditi konačnu listu korisnika.

Dodjela sredstava i izvođenje usluga vršit će se po okončanju Javnog poziva, a izbor isporučioaca građevinskog materijala, odnosno izvršioca građevinskih radova, vršit će se u skladu sa Zakonom o javnim nabavkama.

II – POSTUPAK DODJELE SREDSTAVA

Član 5.

Utvrđenim kategorijama korisnika sredstava radi poboljšanja stambenih potreba, na način utvrđen ovim Pravilnikom, mogu se odobriti maksimalno u visini do 5.000,00 (pet hiljada) KM, sa PDV-om po jednom korisniku.

Godišnjim planom finansiranja u Budžetu Općine planira se i utvrđuje ukupna visina sredstava koja se mogu koristiti u ove svrhe, a od čega će zavisi i broj korisnika ovih sredstava.

Član 6.

Izbor kandidata – korisnika vršit će se na osnovu prijave na raspisani Javni poziv.

Javni poziv mora obavezno sadržavati sljedeće:

- uslove koje kandidati moraju ispunjavati
- rok za podnošenje prijave
- potrebnu dokumentaciju koja se mora priložiti uz prijavu, a kojom se dokazuje da li su ispunjeni propisani uslovi
- druge podatke koji su bitni za provođenje Javnog poziva.

Javni poziv se objavljuje u dnevnim novinama, kao i na Oglasnoj ploči i web stranici Općine.

Član 7.

Javni poziv provodi Općinski načelnik, putem Službe za investicije, komunalne i inspeksijske poslove i Komisije za bodovanje i odabir korisnika za dodjelu sredstava (u daljem tekstu: Komisija).

Komisiju iz stava 1. ovog člana imenuje Općinski načelnik, posebnom Odlukom.

Član 8.

Prijave na raspisani Javni poziv upućivat će se Službi za investicije, komunalne i inspeksijske poslove, koja će iste prosljediti Komisiji iz člana 7. stav 2. ovog Pravilnika , a radi sačinjavanja prijedloga za dodjelu sredstava.

Komisija će svoj Prijedlog sačiniti, ocijenjujući priložene dokaze i utvrđujući da li su ispunjeni uslovi predviđeni Javnim pozivom.

Naročito će se cijeliti opravdanost prijave svakog pojedinca – podnosioca zahtjeva, a uzimajući u obzir kriterije po osnovu kojih će se izvršiti bodovanje u skladu sa ovim Pravilnikom.

III – KRITERIJI ZA DODJELU SREDSTAVA

Član 9.

Prilikom formiranja liste korisnika za dodjelu sredstava Komisija će uzeti u obzir sljedeće kriterije :

1. Osnovni kriterij

Osnovni kriterij za dodjelu građevinskog materijala, te za izvođenje građevinskih radova i pružanje građevinskih usluga je socijalni položaj podnosioca zahtjeva prema sljedećem sistemu bodovanja:

- **Porodice bez ikakvih primanja** 50 bodova
- **Porodice korisnici socijalne pomoći** 40 bodova
- **Za svakog člana porodice dodati po** 5 bodova

2. Dodatni kriteriji

Ukoliko podnosioci zahtjeva spadaju u neku od naprijed navedenih kategorija stanovništva, prednost imaju prema sljedećem bodovanju:

2.1 Porodice šehida, poginulih, nestalih i umrlih boraca, 20 bodova

2.2 Ratni vojni invalidi 15 bodova

U okviru toga:

- Ratni vojni invalidi koji imaju pravo na njegu i pomoć od strane drugog lica, povećati za 6 bodova
- Ratni vojni invalidi od 90 – 100 % II grupe, povećati za 5 bodova
- Ratni vojni invalidi nosioci najviših ratnih priznanja (Zlatni ljiljani i Zlatna policijska značka, vojna priznanja utvrđena zakonom i Općinska priznanja za doprinos u odbrani) povećati za 4 boda
- Ratni vojni invalidi od 60 – 80%, povećati za 3 boda

2.3 Demobilisani borci – branitelji 10 bodova

2.4 Civilne žrtve rata 10 bodova

U okviru toga:

- Civilne žrtve rata 100% (I i II grupa), povećati za 5 bodova
- Civilne žrtve rata od 80 – 90%, povećati za 4 boda
- Civilne žrtve rata od 60 – 70%, povećati za 3 boda

2.5 Neratni invalidi 10 bodova

2.6 Porodice boraca – branitelja logoraša 10 bodova

2.7 Ostala interno raseljena lica 5 bodova

3. Validan dokaz o vlasništvu ili korištenju predstavlja:

- ZK (zemljišno – knjižni) izvadak ili izvadak iz knjige položenih ugovora
- Ugovor o korištenju stana
- Ugovor o zakupu stana sa Općinom Stari Grad

Član 10.

Nakon provedene procedure bodovanja i odabira korisnika, Komisija će Načelniku Općine dostaviti preliminarnu listu korisnika koji ispunjavaju kriterije, a na osnovu koje će Načelnik Općine utvrditi konačnu listu.

Na konačnu listu korisnika sredstava utvrđenu od strane Načelnika Općine svaki učesnik Javnog poziva može izjaviti prigovor u roku 8 dana od dana prijema obavještenja.

Prigovor se podnosi Načelniku Općine putem Službe za investicije, komunalne i inspeksijske poslove.

IV – PRELAZNE I ZAVRŠNE ODREDBE

Član 11.

Zahtjevi – prijave koji se podnesu na raspisani Javni poziv važe samo za budžetsku godinu u kojoj su podneseni.

Član 12.

Licima koja su u ranijem periodu dobila pomoć u građevinskom materijalu putem Općine Stari Grad Sarajevo ili na neki drugi način, sredstva se neće dodjeljivati.

Član 13.

Ovaj Pravilnik stupa na snagu sljedeći dan nakon objavljivanja na oglasnoj ploči Općine, a bit će naknadno objavljen u Službenim novinama Kantona Sarajevo.

Stupanjem na snagu ovog Pravilnika prestaje da važi dosadašnji Pravilnik o utvrđivanju kriterija za formiranje liste korisnika sredstava za rješavanje stambenih potreba određenih kategorija stanovništva (“Službene novine Kantona Sarajevo” broj 31/10).

Broj 02- 49- 55/14

Sarajevo: februar, 2014. godine